



# RÍKISLÖGREGLUSTJÓRINN

ALMANNAVARNAEILD



Berist til: Fjölmíðlar, almannavarnir.is, stjórnýsla og tengiliðir söttvarnalæknis.

## STÖÐUSKÝRSLA

Dags: 10.03.2020

Kl.: 17:00

Staðsetning: Samhæfingarstöð/Embætti landlæknis/Söttvarnalæknir,

### Neyðarstig vegna COVID-19

#### Framvinda

Unnið er hörðum höndum að því að miðla upplýsingum og ráðleggingum til almennings, stofnana og fyrirtækja. Allar leiðbeiningar er að finna á heimasíðu [Embættis landlæknis](#) og [Ríkislögreglustjóra almannavarnadeild](#). Í dag komu inn upplýsingar á ensku fyrir áhættuhópa og veggspjöld á pólsku varðandi börn og ungmenni. Þau eru einnig aðgengileg á íslensku og ensku.

Síðastliðinn sólarhring hafa greinst fimm ný smit, þar af eru fjögur innanlandssmit en eitt má rekja til skíðasvæðanna í Ölpunum. Fjöldi smitaðra er því 70 talsins, þar af 16 innanlandssmit. Áhersla er lögð á að greina snemma og að einstaklingar fari í sóttkví sem fyrst þegar við á og í einangrun þegar um smit er að ræða. Alls hafa um 710 sýni verið tekin í heild, þar af 93 í dag.

#### Upplýsingafundur

Á upplýsingafundi fyrir fjölmíðla í dag brýndi Víðir Reynisson, yfirlögregluþjónn hjá ríkislögreglustjóra fyrir einstaklingum sem eru í sóttkví og hafa ekki verið í sambandi við 1700 eða heilbrigðisyfirvöld, að láta heilsugæslu sína vita af sóttkvínni. Dæmi eru um að einstaklingar séu í sjálfskipaðri sóttkví og því ekki undir eftirliti heilsugæslunnar.

Páll Matthíasson, forstjóri Landspítala ræddi um aðgerðir Landspítalands þar sem 40 starfsmenn eru í sóttkví og 5 í einangrun. Unnið er að áhættugreiningu innan spítalans. Óhjákvæmilegt er að COVID-19 hafi áhrif á starfsemina en áhersla er lögð á að tryggja nauðsynlega þjónustu. Á spítalanum eru í gildi heimsóknatakmarkanir til að vernda viðkvæma sjúklinga spítalans. Reiknað er með að fjarheilbrigðisþjónusta verði notuð í einhverjum mæli. Spítalinn er viðbúinn með öflugum starfsfólki sínu.

Valtýr Stefán Thors, barnasmitsjúkdómalæknir á Barnaspítala Hringsins hrósaði foreldrum fyrir að taka ástandinu af yfirvegum og fylgja fyrirmælum. Hann mælti með að horfa á þátt KrakkaRuv þar sem var fjallað um COVID 19, ræða síðan við börn sín í framhaldinu. Ef skoðuð er faraldsfræði veirunnar virðast börn síður veikjast en fullorðnir og fá vægari einkenni. Til þessa hefur barnaspítalinn ekki fundið fyrir álagi. Börnin sem hafa greinst hér á landi með COVID 19 sýktust á skíðasvæðum í Ölpunum og eru með lítil eða engin einkenni.

Alma D. Möller, landlæknir hrósaði samninganefndum fyrir að hafa náð samningum, svo og starfsfólki veirufræðideildar og farsóttarnefndar Landspítalans. Hún hvatti til varúðar og hreinlætis. Erfitt er að segja til um hversu lengi veiran lifir utan líkamans en vitað er að hún er mjög smitandi. Nauðsynlegt er að umgangast með varúð þau sem eru með influensulík einkenni, sinna vel þrifum og þrifa sérstaklega vel sameiginlega fleti. Unnið er að því að setja saman bakvarðasveit ríkisstarfsmanna sem samanstendur af félagsmönnum Félags íslenskra hjúkrunarfræðinga,

Læknafélags Íslands og Sjúkrliðafélags Íslands. Unnið er að nánari útfærslu sem lýtur að skyldum og réttindum viðkomandi félaga.

Einnig undirstrikaði Alma mikilvægi þess að við gætum að heilsu okkar og vellíðan. Þar er svefn afar mikilvægur. Hún minnti á heilsuveru.is þar sem er bæði hægt að nálgast leiðbeiningar og komast í samband við heilbrigðisstarfsfólk.

## Staða mála

### Ísland - staðan í dag

Uppruna smita á Íslandi er bæði að finna innanlands og erlendis (á skíðasvæðum í Ölpunum og Asíu).

Uppruni smita dreifist eftirfarandi:

Uppruni smita	Fjöldi
Innanlands	16
Erlendis	54
<b>Samtals</b>	<b>70</b>

Fjöldi einstaklinga í úrræði:

Úrræði	Fjöldi
Einangrun	70
Sóttkví	598
<b>Samtals</b>	<b>668</b>

Smitranssóknateymi almannavarnadeildar ríkislögreglustjóra, lögreglunnar á höfuðborgarsvæðinu og sóttvarnalæknis hefur haft samband við einstaklinga í sóttkví. Þeir hafa notið liðsinnis heilbrigðisstarfsmanna frá Landspítala.

Fólk í sóttkví samkvæmt landsvæðum:

Sóttkví	Fjöldi
Höfuðborgarsvæði	521
Suðurnes	15
Vesturland/Vestfirðir	22
Norðurland	18
Austurland	4
Suðurland	18
<b>Samtals</b>	<b>598</b>

Í dag hefur sýking af völdum COVID-19 verið staðfest hjá um 116.558 einstaklingum og um 4.090 einstaklingar hafa látist (3,5%). Samkvæmt [John Hopkins](#) hafa 64.391 einstaklegar náð sér eftir veikindin. ECDC hefur breytt áhættumati sínu yfir í að faraldurinn geti orðið meðalstór eða mikil lýðheilsuógn. Sjá vef [Sóttvarnastofnunar Evrópu](#) (ECDC) varðandi þróun mála í hverju landi fyrir sig. [Sjá áhættumat ECDC.](#)

### Aðgerðir í Danmörku

Danir hafa gefið út gula ferðaviðvörðun (sýnið aðgát) fyrir öll ríki, þar með talið Ísland.

Dönsk stjórnvöld hafa skipt heiminum í 3 svæði með tilliti til áhættu vegna Covid-19, rauð, appelsínugul og gul svæði. **Rauð svæði:** ráðlagt gegn ferðalögum og heilbrigðiseftirlitið mælir með heimasóttkví í tvær vikur eftir ferðir á þessu svæði eftir 2. mars. Þau svæði eru í dag Hubei hérað í Kína, 6 héruð á Ítalíu, Íran, Daegu og Gyeongbuk hérað í Suður Kóreu og Ischgl í Austurríki. **Appelsínugul svæði:** ráðlagt að sýna sérstaka varkárni og að sleppa óþarfa ferðum. Appelsínugul svæði eru restin af Kína (án Hong Kong, Macau og Taiwan sem flokkast sem gul svæði), restin af Ítalíu og restin af Tyrol héraði í Austurríki. **Gul svæði:** ráðlagt að sýna aðgát. Gilda þau ráð fyrir öll ríki, þar með talið Ísland.



## Upplýsingamiðlun

### Framundan:

- Mennta- og menningarmálaráðuneytið birti í dag á vef sínum frétt varðandi skólastarf og áhrif COVID-19. Að sinni eru ekki fyrirhugaðar breytingar á skólahlaldi, sem halda skal úti eins lengi og hægt er samkvæmt landsáætlun.
- Næsti upplýsingafundur fyrir fjölmiðla er áætlaður miðvikudaginn 11. mars kl. 14:00.
- Næsti stöðufundur í Samhæfingarstöð almannavarna verður miðvikudaginn 11. mars kl. 9:00.

Fundur með Icelandair og Isavia þar sem upplýst verður um stöðu mála.

### Nýjar leiðbeiningar

- Snertilausar lausnir. Póstur sendur til samtaka fjármálafyrirtækja. [Landsbankinn birti frétt á vef](#) sínum í framhaldinu.
- Leiðbeiningar hafa verið sendar til fyrirtækja og stofnana varðandi mötuneyti.
- Áhættuhópar [Leiðbeiningar fyrir áhættuhópa \(07.03.2020\) – ensk útgáfa](#)